

Ek, die ondergekende _____

Identiteitsnommer _____

Woonagtig te _____
(domicillium citandi et executandi)

In my hoedanigheid as die wettige voog van _____
(hierna genoemd %die LEERDER+)

onderneem hiermee ten gunste van die Laerskool Kenridge (die Skool) soos volg:



LAERSKOOI KENRIDGE EN TRUST

FLEDGLINGS EN GRAAD R

ONDERNEMING (Finansieel)

1. SKOOLFOOIE

- 1.1 Ek onderneem om die verpligte skoolfooie, soos van tyd tot tyd vasgestel deur die Beheerliggaam van die Skool, (die Beheerliggaam) in 10 (tien) gelyke maandelikse paaieimente te betaal, by wyse van ~~en~~ debietorder teen my bankrekening.
- 1.2 Ek/Ons onderneem gesamentlik en afsonderlik om die skoolgelde te betaal en ek/ons begryp dat:
 - 1.2.1 Die jaarlikse skoolgeld ~~en~~ verpligte bedrag sal wees, soos deur die meerderheid van ouers by die Algemene Jaarvergadering goedgekeur.
 - 1.2.2 Skoolgeld is vooruit betaalbaar en wel op die eerste skooldag van die jaar.
 - 1.2.3 Ons terme is die volgende:
 - (a) Die volle bedrag kan betaal word, in een bedrag aan die begin van die skooljaar, of
 - (b) Die skoolgeld mag in tien maandelikse paaieimente betaal word.
 - 1.2.4 U sal ~~en~~ korting ontvang indien die jaarlikse skoolgeld voor die 1ste Vrydag in Februarie van die betrokke jaar, ten volle vereffen word.
 - 1.2.5 ~~en~~ Eenmalige intreefooi (nie terugbetaalbaar) van R500 moet hierdie ooreenkoms vergesel.
 - 1.2.6 Volgens familiereg, is ouers gesamentlik of afsonderlik aanspreeklik vir die betaling van skoolgeld, ongeag hul huwelikstatus.
 - 1.2.7 In die geval van wanbetaling van skoolgeld, sal beide ouers deur die skool gedagvaar word ongeag onderhoudsreelings en hofbeslissings tussen die partye.
 - 1.2.8 Kragtens Artikel 39 van die Suid Afrikaanse Skolewet, is alle partye wat hulle tot hierdie dokument verbind, aanspreeklik om vepligte skoolgelde te betaal.
 - 1.2.9 Kragtens Artikel 40 en 41 van die Suid Afrikaanse Skolewet, mag die skool betaling van hierdie verpligte skoolgeld afdwing.

- 1.2.10 Die partye verbind tot hierdie ooreenkoms onderneem om alle regskostes te betaal, insluitend prokureurs/kliënte fooie en invorderingsgelde wat deur die skool aangegaan word, indien die skool geregtelike stappe moet neem om skoolgelde te verhaal.
- 1.2.11 Gelde is aan die einde van elke maand betaalbaar.
- 1.2.12 Indien betaling nie voor die 7de van  n nuwe maand ontvang is nie, sal die skool hom die reg voorbehou om rente teen 2% p.m. op alle agterstallige rekeninge te hef.
- 1.2.13 Ouers wat nie in staat is om skoolgelde te betaal nie, mag om vrystelling aansoek doen.
- 1.2.14 Die skool mag enige persoonlike inligting van ouers se aanspreeklikheid ten opsigte van die betaling van skoolgelde, op die skoolrekenaarstelsel of ander stelsel bewaar.
- 1.2.15 Die skool hou hom die reg voor om die kredietwaardigheid van ouers te ondersoek by  n krediet-inligtingsburo, kredietverskaffers of navraag te doen by persone wat as agente namens genoemde instansies optree.
- 1.2.16 Die skool behou hom die reg voor om die stand van betaling van ouers met ander kredietorganisasies te deel, ten einde gebruik te kan word om kredietwaardigheids- en verwante beslissings te kan maak.
- 1.2.17 Indien ouers nie hul skoolgeldverpligtinge nakom nie, mag die skool die ouers se wanbetaling aan  n kredietverskaffersburo verstrek. Sodanige inligting sal dan beskikbaar wees aan ander kredietverskaffers om kredietbestuur en verwante besluite te neem.
- 1.2.18 Indien u rekords verskil met die bedrag soos op u staat aangedui, stel asseblief die skool se rekenmeester/es skriftelik in kennis.
- 1.2.19 Ooreenkomste is in beide, Afrikaans en Engels beskikbaar.
- 1.2.20 Hierdie ooreenkoms val onder die Nasionale Kredietwet. Die skool volg dus hierdie wet se spesifieke riglyne rakende kredietverlening en die verbruiker.
- 1.3 Die eerste paaielement is betaalbaar op die eerste dag van Februarie van die jaar waarin die LEERDER die skool bywoon en die skoolfooie betaalbaar is, en daarna op die eerste werksdag van elke daaropvolgende maand, met die laaste paaielement op die eerste dag van November van die betrokke jaar.
- 1.4 Die Beheerliggaam sal geregtig wees om die bedrae, sowel as die termyn van betaling te verander, op voorwaarde dat ek skriftelik daarvan in kennis gestel word.
2. **SPYSKAARTAKTIWITEITE (Trust)**
- 2.1 Ek onderneem om die fooie, soos van tyd tot tyd deur die TRUSTEES bepaal, aan die TRUST te betaal ten opsigte van spyskaartaktiwiteite waaraan die LEERDER deelneem.
- 2.2 Ek verklaar en erken hiermee dat  n rekeningstaat deur die TRUSTEES as bewys sal dien van die aktiwiteite waaraan die LEERDER gekies het om deel te neem gedurende  n spesifieke kwartaal/seisoen en van die bedrag deur my verskuldig in terme van die spyskaart en kostevorm, onderhewig daaraan dat ek geregtig sal wees om binne 7 (sewe) dae na ontvangs van die rekeningstaat, skriftelik daarteen beswaar kan maak, welke beswaar per hand oorhandig sal word aan die verteenwoordiger van die TRUST wat in beheer is van daardie aktiwiteit.

2.3 Ek onderneem om die fooie by wyse van ̄n maandelikse debietorder teen my bankrekening te betaal, op voorwaarde dat indien die LEERDER betrokke raak by ̄n aktiwiteit gedurende die loop van die skoolkwartaal/seisoen, betaling pro rata bereken sal word vanaf die datum van betrokkenheid by die aktiwiteit, tot en met die einde van die betrokke skoolkwartaal/seisoen.

3. **ALGEMEEN**

3.1 Indien daar ̄n verhoging van die fooie plaasvind, waarna verwys word in paragrawe 1 en 2 onderskeidelik, magtig ek hiermee die Skool om my debietorder dienooreenkomstig aan te pas op voorwaarde dat die Skool my skriftelik in kennis stel van hul voorneme om so ̄n aanpassing te maak.

3.2 Indien ek sou versuim om enige paaiement met betrekking tot die fooie waarna verwys word in paragrawe 1 en 2 hierbo tydlig te betaal, dan:

3.2.1 sal die volle uitstaande bedrag met betrekking tot die aktiwiteite waaraan die LEERDER deelneem, onmiddellik betaalbaar en opeisbaar wees; en

3.2.2 sal die LEERDER nie verder toegelaat word om deel te neem aan die aktiwiteite nie tot tyd en wyl alle fooie waarna verwys word in paragrawe 1 en 2 hierbo, ten volle vereffen is; en

3.2.3 sal rente teen 2% (persent) per maand gehef word op my rekening vir fooie wat agterstallig is; en

3.2.4 sal ̄n boete-fooi, soos van tyd tot tyd deur die Beheerliggaam bepaal, vir enige onbetaalde paaiement teen my rekening gehef word.

3.3 Ek stem verder toe, dat vir die doeleindes van enige regsaksie wat teen my ingestel mag word, uit hoofde van my verpligtinge in terme van hierdie ooreenkoms, ̄n sertifikaat uitgereik, deur ̄n behoorlik gemagtigde verteenwoordiger van die Beheerliggaam, as genoegsame en voldoende bewys van die uitstaande bedrag sal dien vir die doeleindes van summiere vonnis.

3.4 Vir die doeleindes van hierdie onderneming, enige kennisgewing of regsaksie teen my ingestel en alle prosesstukke wat op my beteken mag word, kies ek hiermee my adres soos uiteengesit in die aanhef van hierdie onderneming as my *domicilium citandi et executandi*.

3.5 Ek aanvaar hiermee aanspreeklikheid vir betaling van die Skool se regskostes, insluitende invorderingskommissie, op ̄n skaal soos bereken op ̄n prokureur en eie kliënt skaal, indien die Skool enige regsaksie teen my sou instel in terme van hierdie onderneming.

GETEKEN TE _____ op hierdie _____ dag van _____ 2_____

AS GETUIES:

1. _____

2. _____

HANDTEKENING – OUER/VOOG

VOLLE NAAM